



DEO OPTIMO MAX. UNI ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
manè discutienda in Scholis Medicorum, die Jovis tertio
mensis Decembris, anno Domini M. DCC. L.

M. CAROLO-AUGUSTINO VANDERMONDE,
Doctore Medico, Præsidente.

An successiva partium Fœtus generatio?

I.



RANDE opus naturæ, generatio! cujus necessitatem si non abundè testatur insita cuilibet animali sui simile producendi cupido, luculenter evincit hujus orbis fluxilitas, cujus conservationi invigilans divina providentia sedulè cavisse visa est, ne eodem quovivit & vegetar motu, eodem destrueretur. Quemadmodum enim singulum quodque animal brevi fatisceret, nisi quotidiana dispendia refarciret nutritio, sic etiam pulchra hæc rerum universitas, quam animal ingens non ineptè dixeris, singulis suis defraudata partibus, paulatim corrueret, nisi jugi viventium reproductione, nutritionis ad instar, reficeretur. Hinc tot organorum generationi diversimodè inservientium tam insignis apparatus, qui si mirandum offert Philosophorum oculis spectaculum, arduam proponit ipsis indaginem.

I I.

OBSCURÂ involvebatur caligine Veterum de generatione doctrina. Plato (a) hominis genesim per diametrum diametri explicare nifus est. Aristoteles (b) longè plura, & eximia quidem noverat experimenta, quibus ingeniosè admodum usus est, ad refellendas quæ suo tempore vigeabant opiniones; ac nec felicior fuit in astruendâ propriâ hypothesi. Putabat nimirum, nihil à mare conferri ad generationem præter formam, à feminâ verò materiam. Sed quis bonæ mentis hodie non agnovit, nihil sub nomine formæ intelligendum esse, nisi accidens, ut aiunt, à substantiâ cui adhæret nullâ ex parte distinguendum. Credidit Hippocrates (c) generari fœtum ex

(a) In Timæo.

(b) Arist. de Gen. l. 1. c. 19. 20.

(c) De Ge- ner.

utriusque seminis tum masculini tum feminei mixtione: utramque semen duplicis esse generis, alterum generosius, alterum debilius. Ex utriusque sexus generoso semine marem, ex debili foeminam provenire asseruit. Huic seminum commixtionem multa favebant; similitudo quæ parentes inter & natos intercedit, hybridarum anceps natura, &c. Verum fictitia illa seminum divisio nullo probari potest argumento, licet eam asserere conatus sit divinus senex, ex eo quod quædam fuerint reperta mulieres quæ cum certis viris nunquam aut raro, cum aliis verò facile conceperint. Horum systematum ut amoveas caliginem, frustra recentiorum quorundam consules placita. Si fides Cartesio, (d) fermenti vices gerit utriusque sexus liquor feminalis; ex amborum miscelâ oritur effervescencia, calor, expanditur quoque versum materiam, præmuntur particulae, & sic aptè disponuntur ut in varios artus variasque partes effingantur.

(d) Traité
de la Form. du
Fœtus.

I I I

HAS obsoletas fugavit opiniones novum, & experimentis, ut videbatur, innixum Leewenhoekii systema. Brevi creverunt illius fautores, cum nempe credere amarent vermiculos in semine virili adesse, & in hisce compendiosè corporis adulti partes qualibet delitescere. Autopsiæ excutienti præstò fuerunt imaginationis somnia. Enimverò subtilius, quàm verius scripsit caudam deponere vermiculum, postquam ovum subiceret, exuere cuticulam, aliâ tamen servatâ cute; non omnia eadem animalcula esse, sed alia alio sexu donari, eaque suam inter se fortiti differentiam à certo propè caudam discrimine; copulam inter se necere, parere, nasci, crescere; hinc alia matura, alia immatura, juniora quædam, quædam seniores observari. Auxit miraculum *Dalempatus*, qui reclamante universâ Physicorum turba, homuncionem resectâ vermiculi cuticulâ vidisse sibi visus est. Nec defuerunt, quæ hanc animalculorum hypothesin confirmarent argumenta. Ova etenim muliebria à Graafio paucis abhinc annis descripta, apertissima visa sunt hisce vermiculis hospitia. Vermiculo ditatum ovum per tubam fallopianam in uterum prolabi, ibi liquori seroso innatans, aliquamdiu morari, donec aliquâ suæ superficiei parte ipsi adhæreat utero, asseruerunt plerique. Quin in ipso ovi limine excogitata fuit valvula, cujus ope, ingressus domicilium novus hospes, à tergo pulsanti ostium alteri vermiculo aditum negare posset. Mirandum sanè est ab huiusmodi figmentis delusos tamdiu fuisse animos. Consideranti enim attentius quot & quàm diversæ sint partes in adulto corpore, muscoli scilicet, vasa, nervi, ossa, quàm infinitus fibrillarum hæcce organa componentium numerus, nunquam videbitur probabile hæc omnia in animalculo 10000^{am} arenulâ pattem æquante delitescere. Quid? si animo concipiatur hominum qui extiterunt vel in posterum sunt nascituri ingens illa multitudo; si infinitus hic numerus comparetur cum animalculorum hominis formam nunquam adeptorum enormi copâ, nonne fidem amittit omnem ingeniosus auctor, dum asserit hæc omnia individua omnibus suis absoluta partibus in paucis recondita fuisse olim vermiculis, ex quibus crevit humanum genus? At quàm operosam, quàm intricatam causarum syndromem requirit supposita vermiculi in hominem inutatio! In uterum admissa spermata innatantia animalcula, tubam subire fallopianam, per eam ad ovarium ascendere, ibi ab uno animalculorum, muliebri ovulum penetrari, & inde per corpus fimbriatum juxta tubam ad uterum provolari scripserunt plerique Physiologi Leewenhoekii Sectatores. Hæc autem ingeniosè confabulata quidem, at minùs anatomix consona. Ingens enim vermiculorum respectu est uterus, exigua admodum deprehenduntur tubarum orificia, unicum duntaxat maturum reperitur ovulum, pauci pariter adsunt maturi, & quasi viriles vermiculi, ovulo mille patent ad abdomen viæ, unicum in uterum descendit iter. Nec omnibus phaenomenis commoditus satisfacturam existimes tot adornatam figmentis hypothesin. Explicare enim frustra tentabis frequentem natorum similitudinem cum matribus (quæ tanta sæpè occurrit, ut ex claudâ matre claudus nonnunquam nascatur

puer) quibus id solum munus in generationis opere assignatur, ut sibi creditum à mare vermiculum foveant & nutrant. Hanc objectionem non parùm confirmat hybridarum exemplum. Quà ratione etenim, si fœtus à mare perfecti provenirent, tanta deprehenderetur ipsorum cum matribus convenientia, ut, verbi gratiâ, mulus externum corporis habitum partesque præcipuas ex equâ habeat, & ab asino transmissas ferè solas servet aures caudamque? Cur autem diutius immoratur refellendo systemati, quod à radicibus evertit nuperrimè celeberrimus Autor? Re etenim ad fœtus examen revocatâ, vetiùs observavit adesse in semine, tum hominis, tum quorundam animalium, duplicis generis partes, (a) alteras longas, teretes, filamentorum ad instar diversè inter se complicatas, tum corpora globosa ambienti fluido innatantia, quorum unumquodque longâ & exili instructum caudâ alicui nectebatur ex unâ parte filamento, dum ex alterâ liberum medio in fluido diversimodè oscillabat. Fugatis hæc vermiculis, nullas quò fugerent, reliquit latebras eximius autor. Ovula enim muliebria quibus fœta credebatur, post Graafium, rotâ ovarii superficies, nihil esse aliud quàm vesiculas liquore à semine virili nullâ ex parte diverso plenas, abundè demonstravit. Tanta est naturæ simplicitas quæ præjudiciis libero observatori obvia occurrit, fugi verò præconceptâ opinione excæcatum!

(a) D. de Buffon. Hist. nat. t. 2. pl. c. Fig. 1. & suiv.

I. V.

MIRAM hanc naturæ simplicitatem intellexit egregiè, qui faciem in obscuris adeò rebus prætulit Magnus Malpighius. Ex ejus observatis patet faciliè præfentis questionis enodatio. In parte ovi gallinacei fœcundati, quam circulum vocant, detexit Malpighius (a) corpus aliquod rude, oblongum, subrotundo capitulo finitum, carinam pulli nominavit. Horâ incubatûs duodecimâ mutatam aspexit paululum catinam, eam nempe duabus conflata lincis quæ parallelo modo inter se dispositæ rotundos efformabant in capite sinus, & in acutam quasi caudam definebant. Tam laxè applicabantur ad invicem hæ lincæ, ut motum in his adesse earumque approximatione reciproca cavitates effici & evanescere deprehenderit accuratus observator. Elapsis viginti-quatuor horis, tres nascuntur in superiorem cavitatibus vesiculæ, è quibus linea quædam exilis, spinalis medullæ inchoamentum, ad extremum usque carinæ apicem extenditur (b). Vesiculæ illæ cerebrum & certè bellum olim efformaturæ fabricâ gaudent ab istis visceribus longè dispari. Harum superna plumbeo ichore fœta, reliquæ diaphano duntaxat scærentes humore deprehenduntur. Verùm nulla pars mutationem offert sensibus magis obviam corde ipso. Viscus illud cujus aliqua portio horâ vigesimâ-quartâ primum manifestatur, (c) tum simplex est canalis paululum incurvus. Post elapsos binos dies, magis contorqueatur (d) ites acquirit cavitates brevibus canaliculis à se invicem distinctas. A dextrâ in sinistram recta patet sanguini via. Arteriam pulmonatam ne quæras. Desunt enim quatuor primis diebus pulmones, quintò demùm die cum jecore & renibus conspiciendi. Sexto die cor perfectionem adipiscitur formam: sinister enim ventriculus dextro arcu incumbit, (e) superextenditur etiam auricula. Hoc durante tempore nudum apparet pectus. Costulæ nixæ & molles septimo tantùm die omnes fororiantur.

(a) Malp. de ovo incubat. fig. 1.

(b) Id. fig. 21.

(c) Id. fig. 21.

(d) Id. fig. 30.

(e) Id. fig. 43.

Quæ de pulli, eadem de hominis genesi, tati habet Harvey. Fœtum bimestem minimi digiti unguiculo æqualem vidit, (f) qui licet formâ parvum referret embryonem, nihil distinctum intus gerebat. Omnia ipsi nulla, confusi musculi, rotusque fœtus videbatur in mucosam resolvî materiem. In trimestri fœtu (g) magis eminebant præcipuæ partes: nondum tamen aderant labia, buccæ, nâsus; vix aliquod discernebatur hepatis vestigium; cerebrum amplius hucusque & fluidum, coagulum quatto tantum mense referebat. Desiderabantur adhucdum cutis & externa tegumenta ultimo loco generanda. Nec ita partibus suis omnibus instructus in lucem editur fœtus, quin ipsi novæ quasi supetaddantur. Hujus epigeneseos exemplum dentes sunt, ex mucosâ & gelatinosâ materie maxillarum alveolis contentâ efformandi.

(f) Harv. de Gen. exercit. 56.

(g) Ibid.

NEQUE alienam à naturæ instituto credas partium fœtûs successivam hanc productionem. Plantas inspicere: nulla ferè pars est, ex quâ velut ex fœcundo germine prodire non possit altera planta priori simillima. Radices, truncus, rami, quos modò directos, modò inversos terræ mandabis, totidem apta sunt propagandæ vegetantium soboli instrumenta. Similia suppetunt ex animalibus exempla, discissæ lacertorum caudæ, ruptæve cancrorum chelæ intrâ dies paucos reparatæ. Polypus aquaticus spontè deponit brachia ex quibus nova mox oritur proles. Ex eodem animali juxta longitudinem bipartito nova succrescunt ejusdem structuræ ejusdemque figuræ animalcula. Sic etiam ex vermî terrestri per medium scisso, duo vermes nascuntur omnium suarum partium mirè compotes. Sic istis animalibus partium jactura propagationis occasio. Ut autem exemplo familiari pateat evidentius nullo indigere semine * naturam, ut organica componat corpora, ecquis ignorat collectam à morbo in variis corporis locis lympham, in tunica cellulosa æmulam solidescere? Idem contingit succo arborum nutritio, deposito in tumoribus ab insectorum puncturâ productis. Sic etiam ex proprio sanguine, è venâ mox effusio, contextam fuisse membranam, à nativis haud diversam, observavit Ruyschius. Nunc quæreret forsân aliquis quænam causa varias partes fœtûs humani & aliorum animalium tantâ arte successivè disponat? Hic autem nodus est, quem solvere, difficillimum. Utrum enim ab animâ hoc munus adimpleatur, ut censet Galenus, & post eum Stahlus? An à quibusdam spiritibus creatis, ut opinatur Sennertus? An tanto operi præses adsit ipsemet Deus, aut sufficiant generales promulgatæ semel ab eo leges? An cum suprà laudato autore (a) tribui materiæ debeant facultates quædam ab ipsomet infusæ creatore, ex quibus determinata sequatur partium associatio? Totidem sunt arduæ quæstiones, quæ scopum nostrum minùs attingunt. Nobis interim sufficit innixam experienciâ, necnon analogiâ multiplici confirmatam certò deduxisse conclusionem.

(a) D. de
Bouss.

* Per semen hic intelligitur spirituum germen quod corporis inde nascituri partes quascumque compendiosè contineret.

Ergò successiva partium Fœtûs generatio.

DOMINI DOCTORES DISPUTATURI.

M. Carolus - Augustinus Vandermonde, Ailius Præses.

M. Ludovicus-Joannes-Baptista Cofnier.

M. Franciscus-de-Paulâ Combalusier.

M. Hugo Capet.

M. Petrus-Augustus Adet.

M. Jacobus Barbeau du Bourg.

M. Bartholomæus Murry, rector Herbarie Professor.

M. Carolus Payen, utriusque Pharmacie Professor designatus.

M. Tussanus-Guilbertus Boulleland, Consiliarius Medicus Regis ordinarius in ejus Castellis.

Proponebat Parisiis PETRUS-LUDOVICUS-MARIA MALOËT, Parisiensis, Saluberrimæ Facultatis Medicinæ Parisiensis Baccalaureus, A. R. S. H. 1750,

A SEXTA AD MERIDIEM.

Typis QUILLAU, Universitatis & Facultatis Medicinæ Typographi, 1750.